

आकाशवाणी

खबरां ----

1. राष्ट्रपति द्रौपदी मुर्मू होरें उच्च शिक्षा संस्थानें सोयां आर्टिफिशियल इंटेलिजेंस दे क्षेत्र च नमें जतन करने दा भी आग्रह कीता।
2. प्रधानमंत्री नरेन्द्र मोदी होरें जंगली जीव प्रबंधन गी सहायता आस्तै रिवायती ज्ञान ते यांत्रिक मेधा दे मते इस्तेमाल दा आह्वान कीता।
3. भारत ते बेल्जियम नै हिंद-प्रशांत क्षेत्र, खासतौर पर समुद्री क्षेत्र च रक्षा सहयोग गी संभावनाएं पर चर्चा कीती।
4. विदेश मंत्री Dr. S Jaishankar कल सोयां ब्रिटेन ते आयरलैंड दी आधिकारिक यात्रा पर जाडन।
5. ICC चैम्पियनयस क्रिकेट ट्राफी-भारत दा मुकाबला पैहले सेमीफाइनल च अस्ट्रेलिया दे कन्नै दुबई च होग।



President-Award

राष्ट्रपति द्रौपदी मुर्मू होरें अज्ज नमी दिल्ली च राष्ट्रपति भवन च 8में विजिटर्स पुरस्कार प्रदान कीते। इस मौके पर उने आक्खेआ देशै दे केई शिक्षा संस्थानें च वैश्विक ब्रांड वैल्यू हासिल करने दी क्षमता ऐ। उने देशै च शोध गी होर प्रोत्साहन देने दी लोड

पर बल दिता। राष्ट्रपति होरें उच्च शिक्षा संस्थानें सोयां आर्टिफिशियल इंटेलिजेंस दे क्षेत्र च नमें जतन करने दा भी आग्रह कीता।



Wild Life

प्रधानमंत्री नरेन्द्र मोदी होरें जंगली जीव प्रबंधन गी सहायता आस्तै पारंपरिक ज्ञान ते यांत्रिक मेधा दे मते इस्तेमाल दा आह्वान कीता। श्री मोदी होरें भास्कराचार्य अंतरिक्ष अनुप्रयोग ते भूसूचना विज्ञान संस्थान-बीआईएसएजी-एन ते भारतीय वन सर्वेक्षण कन्ने मिलिए जंगल दी आग ते वन्यजीव संघर्ष प्रबंधन आस्तै यांत्रिक मेधा, मशीन लर्निंग ते भू-स्थानिक मानचित्रण दे इस्तेमाल पर बी बल दिता। प्रधानमंत्री होरें जंगली जीवें दे संरक्षण दिवस पर अज्ज जूनागढ़ जिले दे सासन गिर च राष्ट्रीय वन्यजीव बोर्ड दी 7मीं बैठक दी अध्यक्षता कीती। उने इने क्षेत्रें च मुकामी आबादी ते ग्रामीणें दी हिस्सेदारी राए डॉल्फिन संरक्षण पर जागरूकता दे महत्व पर बल दिता। श्री मोदी होरें डॉल्फिन दे आवास क्षेत्रें च स्कूली बच्चें दी यात्रा आयोजित करने दी भी सलाह दिती। प्रधानमंत्री होरें बैठक च देशै च पैहली बारा कीते गेदे नदी डॉल्फिन अनुमान रिपोर्ट जारी कीती। रिपोर्ट च कुल 6 हजार 3 सौ 27 डॉल्फिन दा अनुमान लाया गया ऐ। श्री मोदी होरें जूनागढ़ च वन्यजीवें आस्तै राष्ट्रीय रेफरल केंद्र दी आधारशिला भी रखी। एह वन्यजीव स्वास्थ्य ते रोग प्रबंधन क्रनै संबंधित बक्ख बक्ख पहलुएं दे समन्वय आस्तै केंद्र दे तौर पर कम्म करौगा। प्रधानमंत्री होरें इस बरे आयोजित कीते जाने आहले शेरें दे आकलन दे 16में गेड दी शुरुआत दी घोषणा कीती। उने बर्दा वन्यजीव अभयारण्य च शेरें दे संरक्षण आस्तै

सहायता दी घोषणा कीती। प्रधानमंत्री होरें वन्यजीव संरक्षण च इको-टूरिज्म दी भूमिका ते वन्यजीव पर्यटन आस्तै बेहतर यात्रा ते संपर्क दी लोड पर बल दिता। श्री मोदी होरें मानव ते वन्यजीवें बश्कार संघर्षे गी मता असरदार ढंग कन्नै रोकने आस्तै कोयंबटूर च भारतीय वन्यजीव संस्थान परिसर च उत्कृष्टता केंद्र दी स्थापना दी घोषणा कीती। एह संघर्षे गी घट्ट करने आस्तै क्षेत्र दे चिकित्सके दी क्षमता गी बी मजबूत करोग।

<><><><><><>

Law Minister

विधि ते न्याय मंत्री अर्जुन राम मेघवाल होरें आक्खेआ जे सरकार नै देश च महिलाएं दी गरिमा ते सुरक्षा बनाई रखने आस्तै भारतीय कानूनें च संशोधन कीता ऐ। उने आक्खेआ जे आर्टिफिशियल इंटेलिजेंस (एआई) दी वजह कन्नै महिलाएं खिलाफ केंई अपराध बदे न, लेकिन सरकार इस पर लगाम लाने आस्तै केंई बड्डे कदम पुट्टा र दी ऐ। श्री मेघवाल होरें नमी दिल्ली दे विज्ञान भवन च महिलाएं कन्नै सरबंधित साइबर कानून ते साइबर जागरूकता कार्यक्रम पर कार्यशाला गी सम्बोधित करदे होई एह गल्ल आक्खी। मंत्री होरें महिलाएं सोयां साइबर गतिविधि दौरान सतर्क रौहने ते कुसै बी घटना दे होने पर तुरंत शिकायत दर्ज कराने दा आग्रह कीता। राष्ट्रीय महिला आयोग (एनसीडब्ल्यू) आस्सेआ आयोजित कार्यशाला दा मकसद महिलाएं आस्तै साइबर कानूनें गी मजबूत बनाने आस्तै दो सौ थ्वा मते प्रमुख सुधारें पर चर्चा करना ऐ।

<><><><><><>

Women Financial Niti Aayog

महिलाएं च वित्तीय जागरुकता पिछले बरे दे मुकाबले च 42 फीसदी बदी ऐ। एह गल्ल अज्ज नमी दिल्ली च नीति आयोग दी रिपोर्ट बॉरोअर्स टू बिल्डर्स: वूमेन्स रोल इन इंडियाज फाइनेंशियल ग्रोथ स्टोरी च आक्खी गई ऐ। नीति आयोग दे मुख्ब कार्यकारी अधिकारी बी.वी.आर. सुब्रह्मण्यम होरें रिपोर्ट जारी करदे होई महिला उद्यमियें गी सशक्त बनाने च वित्त तकर पुज्ज दी महत्वपूर्ण भूमिका पर लौहू पाई। रिपोर्ट च एह भी दस्सेआ गेआ ऐ जे कुल स्व-निगरानी आधार च महिलाएं दी हिस्सेदारी पिछले बरे दिसंबर च बदिऐ 19 दशमलव चार-तीन प्रतिशत होई गई, जेडी 2023 च 17 अशारिया आठ-नौ प्रतिशत ही। रिपोर्ट मूजब मेट्रो शहर दी तुलना च गैर-मेट्रो क्षेत्रे दी महिला अपने दौहरा दी आपू निगरानी सक्रिय रूप कन्नै करा र दियां न।

<><><><><><>

India-Belgium

भारत ते बेल्जियम नै हिंद-प्रशांत क्षेत्र, खास तौर पर समुद्री क्षेत्र च रक्षा सहयोग गी संभावनाएं पर चर्चा कीती। रक्षा मंत्री राजनाथ सिंह होरें अज्ज नमी दिल्ली च बेल्जियम दी राजकुमारी एस्ट्रिड ते रक्षा मंत्री थियो फ्रेंकेन हुन्दे कन्नै बैठक कीती। बैठक च दोनें देशें दे बश्कार रक्षा औद्योगिक सहयोग बदाने दे माध्यम ते साधनें पर चर्चा कीती गेई। श्री राजनाथ सिंह होरें रक्षा क्षेत्र च बेल्जियम दे निवेश दा सोआगत कीता। उने आक्खेआ जे बेल्जियम दी कंपनियां भारत च अपनी उपस्थिति दा विस्तार ते भारतीय विक्रेताएं गी अपनी आपूर्ति श्रृंखलाएं च एकीकृत करिऐ महत्वपूर्ण भूमिका निभाई सकदी ऐ। दोनें देशें संस्थागत रक्षा सहयोग करने पर बी सहमत होए।

<><><><><><>

Jaishankar Belgium

विदेश मंत्री डॉ. एस जयशंकर होरें अज्ज नमी दिल्ली च बेल्जियम दे उप-प्रधान मंत्री ते विदेश मंत्री मैक्सिम प्रीवोट हुन्द कन्ने बैठक कीती ते देश कन्ने भारत दे ऐतिहासिक सरबंधें पर लोहू पाई। डॉ. जयशंकर होरें आक्खेआ जे दोनें मुल्लें बश्कार व्यापार, निवेश, उद्योग, शिक्षा, फार्मास्यूटिकल्स, नवाचार ते संस्कृति दे क्षेत्र च खरे ते स्थिर सरबंध ना उने आक्खेआ जे ओहू सेमीकंडक्टर, एआई, स्वच्छ ऊर्जा, डिजिटल, गतिशीलता ते रक्षा दे क्षेत्र च बी चर्चा करा'रदे ना। इक सोशल मीडिया पोस्ट च उने आक्खेआ जे उने यूरोपीय संघ ते बहुपक्षीय सहयोग कन्ने वैश्विक ते क्षेत्रीय विकास गी अग्गे बदाने बारै बी गल्ल कीती। डॉ. जयशंकर होरें राष्ट्रीय राजधानी च बेल्जियम दी राजकुमारी एस्ट्रिड हुन्दे कन्ने बी मलाटी कीती। भारत दी सात दिन दी यात्रा पर आई दियां बेल्जियम दी राजकुमारी एस्ट्रिड कल प्रधानमंत्री नरेंद्र मोदी हुन्दे कन्ने मलाटी करडना।



Delhi Budget

दिल्ली विधानसभा दा बजट सत्र 24 सोयां 26 मार्च तक चलौगा। सरकार, महीने दे अखीरे च 2025-26 दा बजट पेश करौगा। एह जानकारी नमी दिल्ली च मुख्यमंत्री रेखा गुप्ता होरें दिती। उने लोकें गी बजट 2025 आस्तै अपने सुझाव भेजने आस्तै इक फोन नंबर ते ई-मेल आईडी भी जारी कीता। उने आक्खेआ जे 5 मार्च गी सारे महिला संगठनें कन्ने गल्लबात आस्तै विधानसभा च साहा दिता गेआ ऐ। तां जे ओहू बजट पर अपने सुझा

देई सकन। कन्नै गै बजट पर लोकें सोयां सुझा आस्तै व्हाट्सएप नंबर भी जारी कीता गेआ ऐ। मुख्यमंत्री होरें आक्खेआ जे बजट च महिलाएं गी माली मदद, सेहत सेवाएं दा विस्तार, सार्वजनिक परिवहन गी बढ़ावा देना, प्रदूषण पर अंकुश लाना, रोजगार, बुजुर्गे आस्तै सहायता ते यमुना नदी दी सफाई जनेह मुद्दे प्रमुख होंडन।

<><><><><><>

Mumbai Budget

महाराष्ट्र दे राज्यपाल सी. पी. राधाकृष्णन होरें आक्खेआ ऐ जे इस बरे जनवरी च स्विट्जरलैंड दे दावोस च आयोजित विश्व आर्थिक मंच च राज्य नै राष्ट्रीय ते अंतरराष्ट्रीय कंपनियें कन्नै 15 लाख 72 हजार करोड़ रुपये दे समझौता ज्ञापन पर दस्तखत कीते ना। मुंबई च महाराष्ट्र राज्य विधानमंडल दे बजट सत्र गी संबोधित करदे होई उने आक्खेआ जे इसदे कन्नै महाराष्ट्र च 15 लाख सोयां मते रोजगार दे मौके पैदा होडन। विधान सभा पहुंचने पर राज्यपाल होरें गी राज्य पुलिस नै औपचारिक गार्ड ऑफ ऑनर दिता।

<><><><><><>

Budget Session LG

कश्मीर विधानसभा दा बजट इजलास, लेफ्टिनेंट गवर्नर मनोज सिन्हा हुंदे उद्घाटनी सम्बोधन दे कन्नै अज्जै थमां जम्मू विधानसभा परिसर च शुरु होई गेआ ऐ। अपने भाषणै च एलजी होरें आक्खेआ जे बजट, अपने आपै च ऐतिहासिक होग कीजे पिच्छले 7एं बरें च पैहली बारी जम्मू-कश्मीर च इक चुनी दी सरकार आसेआ एहू बजट पेश कीता जाहगा।

उ'नें आखेआ जे एहू बजट, लोकें दी ताकत गी दर्शाने आह्ला होग। श्री सिन्हा होरें आखेआ जे एहू बजट छड़ा इक माली दस्तावेज गै नेई सगुआं एहू इक सनैह्नी भविक्ख लेई लोकें दिएं आसें-मेदे गी दर्शाने आह्ला बजट होग। अपने संबोधन च एलजी होरें इब्बी आखेआ जे सरकार, जम्मू-कश्मीर दा राज्य दा दर्जा ब्हाल करने दी मंग गी पूरा करने लेई वचनबद्ध ऐ ते एहू लक्ष्य हासल करने लेई सभनें सरबंधत धड़ें कन्नै बरोबर गल्लबात कीती जाह्ग। एलजी सिन्हा होरें महिलाएं गी बाअखितयार बनाने, राई-बाई दे बेहतर ते टिकाऊ तौर-तरीकें गी बढावा देने, संपर्क सरिस्ते च बाह्वा करने, युवाएं गी सशक्त बनाने ते जम्मू-कश्मीर गी शिक्षा दे इक बड्डे ते प्रमुख केन्द्र दे तौर उप्पर स्थापित करने सने होरनें महत्वपूर्ण मामलें पर बी लोऽ पाई। उ'नें आखेआ जे युवाएं गी आत्म-निर्भर बनाने सने स्टार्टअप तंत्र गी बढावा देने कन्नै जम्मू-कश्मीर, तरक्की-बाह्दे आह्ले इक नमें जुग दा गवाह बनै करदा ऐ। उ'नें गलाया जे सरकार, केन्द्र शासित प्रदेश च पंचैते ते शैह्नी मुकामी निकायें दे चुनांऽ बेल्ले सिर करोआइयै इ'नें इदारे गी आखितयार बनाने लेई बी वचनबद्ध ऐ। अज्जै थमां शुरु होए दा एहू बजट इजलास, हंमागेदार रौहने दे असार न कीजे बीजेपी सने होर दुए बरोधी दल, जि'आं पीडीपी ते पीपुल्स कांफ्रेंस नै बी केई सारे मामलें गी लेइयै सरकार गी घेरने दी योजना बनाई दी ऐ।

<><><><><><>

LA-Obituaries

अज्जै थमां शुरु होए दे जम्मू-कश्मीर विधानसभा दे बजट इजलास दरान अज्ज साबका प्रधानमंत्री डाक्टर मनमोहन सिंह हुंदे सने ओकड़े साबका सांसदें ते विधायकें गी बी श्रद्धांजलि अर्पित कीती गई जिं'दा पिच्छले इजलास दे बाद आहले समें दरान काल होआ ऐ। इस मौके उप्पर देसै दी अर्थबवस्था गी आकार देने च डाक्टर मनमोहन सिंह हुंदे जोगदान गी चेत्ता कीता गेआ। स्पीकर अब्दुल रहीम राथर होरें आखेआ जे डाक्टर मनमोहन सिंह हुंदे देसै लेई दित्ते गेदे जोगदान गी सदा चेत्ता रक्खेआ जाह्ग। स्पीकर होरें साबका मंत्री सैय्यद गुलाम हुसैन गिलानी, साबका सांसद शमशेर सिंह मन्हास, साबका विधायकें गुलाम हस्सन परें ते चौधरी पिआरा सिंह होरें'गी बी श्रद्धांजलि अर्पित कीती। विधायक मुबारक गुल, शाम लाल शर्मा, डाक्टर नरिंदर सिंह, गुलाम अहमद मीर ते होरनें बी साबका प्रधानमंत्री डाक्टर मनमोहन सिंह ते होरनें साबका सांसदें ते विधायकें गी श्रद्धांजलि दित्ती। सदन च इ'नें सुरगवासी नेताएं दे सम्मान च द'ऊं मिटें दा मौन बी रक्खेआ गेआ।



Jaishankar Britain

विदेश मंत्री डॉ. सुब्रह्मण्यम जयशंकर कल सोयां ब्रिटेन ते आयरलैंड दी आधिकारिक यात्रा पर जाडन। विदेश मंत्रालय मूजब, भारत ते ब्रिटेन बश्कार व्यापक रणनीतिक साझेदारी ऐ। दोनें मुलखें बश्कार रक्षा, सुरक्षा, व्यापार, अर्थव्यवस्था, स्वास्थ्य, शिक्षा ते आपसी सरबंधें सनें बक्ख बक्ख क्षेत्रें च दपक्खी सरबंध भी मजबूत ना। यात्रा दौरान, डॉ. जयशंकर ब्रिटेन दे विदेश सचिव डेविड लैमी हुन्दे कन्नै चर्चा करडन ते केई मन्ने

परमन्ने दे लोके कन्ने मलाटी करडन्ना। आयरलैंड दे दो दिन दे दौरे दौरान डॉ. जयशंकर, आयरलैंड दे विदेश मंत्री साइमन हैरिस तें होरनें दुएं कन्ने मलाटी करडन्ना। उत्थे ओहू भारतीय समुदाय दे लोके कन्ने बी मलाटी करडन्ना। भारत ते आयरलैंड बश्कार साझे लोकतांत्रिक मूल्ये, सांस्कृतिक संबंधे ते बददी आर्थिक हिस्सेदारी दे आधार पर मैत्रीपूर्ण दपक्खी सरबंध ना।

<><><><><><>

Bangladesh Supreme Court

बांग्लाएदेश च सुप्रीम कोर्ट नै सोमवार गी उच्च न्यायालय दे उस आदेश गी बरकरार रखेआ ऐ, जिसदे च बांग्लादेश नेशनलिस्ट पार्टी - बीएनपी दी अध्यक्ष खालिदा जिया होरे गी रिहा करी दिता गेआ हा ते जिया चैरिटेबल ट्रस्ट भ्रष्टाचार मामले च उनदी 7 बरे दी जेल दी सजा गी रद्द करी दिता गेया हा। वरिष्ठल न्यारयाधीश एम डी अशफाटकुल इस्ला म हुन्दी अगुवाई आहले त्रै सदस्यीय न्यायाधिकरण नै इस आदेश गी पारित कीता। इसदे थवा पैहले 23 फरवरी गी अभियोजन ते भ्रष्टाचार निरोधक आयोग नै इस मामले च खालिदा जिया दी रिहाई गी चुनौती देने आहली बक्खरी याचिका दायर कीती ही। पिछले बरे 27 नवम्बीर गी उच्च न्यायालय नै बी एन पी दी अध्यक्ष ते बांग्लादेश दी साबका प्रधानमंत्री खालिदा जिया ते जिया चैरिटेबल ट्रस्टग मामले च दो होर लोके गी रिहा कीता हा।

<><><><><><>

ICC Champions

आईसीसी चैंपियंस ट्राफी क्रिकेट टूर्नामेंट च कल दुबई च खेड्डे गेदे मुकाबले च भारत नै न्यूजीलैंड गी 44एं रंजे कन्नै हराई दित्ता। इस जित्त दे बाद हून भारत दा मुकाबला कल पैहले सेमीफाईनल च अस्ट्रेलिया दे कन्नै होगा। भारत नै पैहले बल्लेबाज करदे होई 9 विकेटें दे नुक्सान पर 2 सौ नुंजा रंज बनाइयां। इस जित्त दे कन्नै भारती टीम ग्रुप-ए च सब्भनें शा उप्पर होई गई ऐ ते हून कल दुबई च ओहदा मुकाबला पैहले सेमीफाईनल च अस्ट्रेलिया दे कन्नै होगा। तोआई न्यूजीलैंड दा मुकाबला औंदे बुधवारें दुए सेमीफाईनल च दक्खन अफ्रीका कन्नै होगा।

<><><><><><>

Winter-Games

खेलो इंडिया विंटर गेम्स दे 5में संस्करण दे दुए चरण दी मेजाबनी करने लेई जम्मू-कश्मीर प्रशासन ते जम्मू-कश्मीर खेड परिषद पूरी चाल्ली तैयार ऐ। इनें स्यालू खेड्डें दा आयोजन कश्मीर घाटी दे गुलमर्ग टूरिस्ट रिजार्ट च 9 थमां लेइयै 12 मार्च तगर कीता जाग। एहदे शा पैहले एहू खेड्डां 22 फरवरी थमां शुरू होनियां हियां पर इलाके च पर्याप्त मात्रा च बर्फबारी नेई होने दे कारण इनेंगी अगडा पाई दित्ता गेदा हा। हून एहू खेड्डां 9 मार्च थमां गुलमर्ग च शुरू होआ'रदियां ना। इन्दे च Alpine Sking, Nordic Sking, Ski Mountaneering ते Snow boarding ज्नेही खेड्डां शामिल ना। इनें खेड्डें दे पैहले चरण दी मेजबानी लेह आसेआ 23 जनवरी थमां 27 जनवरी तगर कीती गेदी ही जिंदे च आइस हॉकी ते स्केटिंग ज्नेह खेड्डां शामिल हे।

<><><><><><>

Navratan

सरकार नै भारतीय रेलवे वित्त निगम ते भारतीय रेलवे खानपान ते पर्यटन निगम-आई आर.सी.टी.सी.गी नवरत्न दा दर्जा दिता ऐ। रेलवे वित्तन निगम रेल मंत्रालय दा इक केंद्रीय सार्वजनिक क्षेत्र उद्यम ऐ। इसदा सालाना कारोबार 26 हजार करोड़ रुपे सोयां मता ऐ। आई.आर.सी.टी.सी. भी रेल मंत्रालय दा इक केंद्रीय सार्वजनिक क्षेत्र उद्यम ऐ ते इसदा वार्षिक कारोबार चार हजार करोड़ रुपे सोयां मता ऐ। रेल मंत्री अश्विनी वैष्णव होरें दोनं कंपनियें गी नवरत्न दा दर्जा थ्होने पर बधाई दिती।

<><><><><><>

Properties Attached

जम्मू कश्मीर पुलस आस्सेआ कल पुंछ जिले च त्रै आतंकवादिणं दी 14 कनाल 8 मरले दी जमीन गी अटैच कीता गेआ। एहदी कीमत 28 लक्ख रुपे थमां बद्ध दस्सी जा'रदी ऐ। एह जमीन कब्जा रेखा कन्नै लगदे कासबा ते किरनी ग्रां दे मकामी आतंकवादिणं दी ऐ जेहडे पाकिस्तान दे नजैज कबजे आले कश्मीर नस्सी गेदे न। एह कारवाई बन्ने पारा थमां प्रायोजित आतंकवाद खत्म करने ते आतंकवादिणं गी थ्होने आली मदद सरबंधी पूरे पराते सरिस्ते गी नश्ट करने तैहत कीती गेई ऐ। प्रशासन आस्सेआ लगातार जतन कीते जा'रदे न, खित्ते च आतंकवाद दी चुनौतिणं गी घट्ट करने ते आतंकवादिणं गी थ्होने आली माली इमदाद गी खत्म करने आस्तै।

<><><><><><>

Speaker-Chairman

जम्मू-कश्मीर विधानसभा दे स्पीकर अब्दुल रहीम राथर होरें बजट इजलास लेई अध्यक्षें दे पैनल लेई सदस्यें दे नाएं दी घोषणा कीती। इन्दे च ईदगाह थमां विधायक मुबारक गुल, कुलगाम थमां विधायक मोहम्मद युसुफ तारीगामी ते साम्बा थमां विधायक सुरजीत सिंह सलाथिया शामिल ना। एहदे शा पैहले स्पीकर होरें एल.जी हुंदे अभिभाषण गी चर्चा लेई सदन पटल पर रक्खेआ।



Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां ना। इच्छुक आवेदक जेहदी उमर 24 थमां 50 बरें दे बश्कार ऐ ते ओहू कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रेजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी पिन कोड 180001 उप्पर उप्पर 07 मार्च 2025 थवां पैहले-पैहले आइए दस्ती जमा करोआनी होग। इस

बारे व्यापक जानकारी आकाशवाणी की वेबसाइट www.newsonair.gov.in पर उपलब्ध ऐ।

<><><><><><>